

四庫全書

史部

欽定四庫全書

史部

廣西通志卷三十四

詳校官給事中臣鄧文泮

檢討臣德生覆勘

總校官進士臣朱鈐

校對官中書臣李荃

謄錄監生臣徐天駿

欽定四庫全書

廣西通志卷三十四

城池

公署倉廩附

百粵因山為城傍江為池雖曰人力有天險焉我
國家聲靈赫濯蕩平正直之風無遠弗届往者伏莽
諸蠻咸回心向化矣昔人有言在德不在險又曰
衆志成城固無藉於掌固司險歟然粵地邊陲四
控壤接交南崇墉深塹設險豫防之訓其可忽諸

若夫體統肅而後政事舉則上棟下宇所貴職思
其居也倉廩實而後教化興則春租秋賦尚重念
我民力也凡此皆與金湯并重者故連類及之志
城池

桂林府

臨桂縣附郭

府城在灕江西潯唐武德中嶺南撫慰大使李靖
築子城周三十里有八步高一丈二尺宋皇祐間
平儂智高後經畧使余靖築為六門南曰寧遠西

曰平秩曰利正北曰迎恩東曰行春其一即子城
東江門王安石記乾道間經畧使李浩淳熙間提
點刑獄詹儀之紹熙間經畧使朱晞顏相繼修復
元至正十六年廉訪使額爾吉納始甃以石謂之
新城危素為記明洪武八年增築南城九年塞西
垣開城濠導陽江經新城西門外通寧遠橋分二
派一南注合雉山舊江一東注經馬王閣後出象
鼻山與灘江合為門十二曰東鎮曰就日曰癸水

曰行春曰東江曰武勝曰定西曰麗澤曰寶賢曰
西清曰寧遠曰安定歷至

國朝城垣歲久屢有修葺雍正二年巡撫李紱復修
築完固其實賢西清二門久經封塞今止行春東
江武勝寧遠定西麗澤安定東鎮就日癸水十門
東城高二丈五尺南城高三丈西城高二丈六尺
北城高二丈七尺垛口一千三百四十周圍四千
六百一十九弓計一十二里八分其池東即灘江

西與南環陽江濶八丈二尺深一丈五尺北無池
靈川縣舊治在呂仙山東後遷大象山西宋紹定
四年縣令鄭延年遷今治所未有城池明景泰元
年都指揮葛宗蔭始植排柵二年知縣張顯初築
土城成化元年都御史韓雍檄縣修固城池知縣
曾鐸始礱石砌其外五年構串樓九百餘覆之未
幾廢十二年復礱石砌其內周四百二十五丈濶
一丈三尺高一丈六尺為門五曰東勝曰西化曰

鎮南曰拱北曰小南門

興安縣舊城在今治南唐武德中析始安為臨源
更名全義宋太平興國間改為興安明景泰間遷
於今治始築土城成化三年都指揮馬義請於巡
撫韓雍築半土半磚踰年而成萬厯三十二年知
縣毛可儀易土以磚

國朝雍正八年五月久雨傾頽三十餘丈知縣王勅
捐資修築并修補各處現今高一丈四尺濶一丈

周圍四百九十六丈四尺垛口七百九十二向有三門東曰朝宗南曰振武西曰向化其西北面環陡河

陽朔縣城元至正七年知縣明安巴哈建襟江倚山東建敵樓闢四門明景泰三年知縣吳洪宇於治東沿水一帶繼築百餘丈成化三年巡撫韓雍於治西築數百丈弘治四年僉事王本儉增高東城嘉靖四十五年僉事張冕命知縣李果修葺東

城增高四尺餘自東城南接壽陽山麓為門五西城為門三俱建樓天鵞都利二山之間為門一明末知縣易正體重修

國朝順治四五等年洪水泛溢衝塌殆盡僅存遺址現議建築

永寧州舊土城在興新里山南村去州八里明成化十三年知縣陳達始遷建今所石砌城垣萬厯八年知州尹廷俊以城卑隘闢城北三十丈增高

數尺周一千一百五十三丈高一丈八尺厚八尺
磚砌城垛六百三十七窩舖一十三間為四門樓
四東曰東興南曰鎮寧西曰安定北曰迎恩東西
二水環抱東際於江慮水漲衝蓄十四年知州顏
志邦築堤障之堤長一百三十丈植榆柳以為固
國朝康熙六十一年知州崔傑雍正五年知州陳鎮
各重修

永福縣城明天順間始築係土垣弘治九年知縣

羅子芳砌以磚高一丈五尺周二百四十九丈堞口五百八十八向有四門今存三門東曰東嶺西曰西江南曰龍谿池無

義寧縣城明天順六年知縣鄭勝始築土城弘治乙丑叅議林璿僉事熊祥拓其基砌以磚石高一丈濶八尺周四百二十八丈堞口八百二十有門五西南以義江為池深數丈或數尺不等濶八九尺或十丈不等

全州城元至正間總管王文幹始築土城北據山麓南瞰湘江乙未總管石亨祖始砌以磚明洪武元年千戶喬用重加修築

國朝雍正五年知州張學林重捐修高二丈五尺濶一丈五尺周九百四十八丈垛口八百五十九向有五門東曰合江南曰鎮湘小南門曰達道西曰廣安北曰朝京池深一丈濶一丈五尺

灌陽縣城明洪武二十八年守禦千戶所始築土

城高一丈五尺周四百七十丈串房五百間覆以
茅為門四東德化南鎮遠西崇順北龍川西北鑿
濠天順元年千戶陳銘典史陳昇撤茅易瓦東西
鑿新濠門各建樓正德十四年恭荔寇毀叅政彭
夔同知張華按臨監督砌以磚嘉靖十一年巡按
御史施一德發公帑委署縣事州同楊麟千戶陳
楚雄等重修甃砌內外易串房改櫓堞稱堅城崇
禎末知縣溫厚建龍川德化二門月城兵燹尋毀

國朝雍正十年知縣陸煒修復建各門城樓今城高一丈七尺濶一丈一尺周四百七十七丈垛口三千三百九十有九池深六尺濶一丈六尺

平樂府

平樂縣附郭

府城東跨鳳凰山嶺南瞰大江西北帶樂水唐武德八年樂州刺史江齊賢建後圯宋治平元年太守汪齊建築高二丈一尺周四百一十六丈乾道乙酉太守葛永慶欲鑿州治後山為濠不果元初

詔天下毀城池郡累被寇至正庚寅監郡圖薩斂
民間牆屋磚砌以城之功未就而去次年通守趙
士元繼完之明洪武十三年知府李誼與守禦所
千戶劉源等以城隘不足容軍乃闢廣之增高三
尺包砌以石高二丈四尺周五百四十一丈環以
濠塹為門三有樓曰安定曰寧遠曰鎮夷冷鋪一
十七間弘治間知府余玉復鑿城北二塹外樹排
柵歲久頽壞正德間兵備道張宏宜復經修葺增

高三尺共二丈八尺城東北山嶺環植以松嘉靖
間大水西南隅城外砌磚崩卸同知周訓修復萬
厯二十八年知府歐陽東鳳見南門右北門左馬
道城堞逼窄動支庫銀督工增高城堞開馬道四
百三十四丈重建三門城樓其東城自鐘鼓樓至
鳳凰樓一帶枕於山嶺馬道窩鋪俱低下五六尺
難以瞭望城外三十五年知府陳啟孫委官於城
外取土進城填築加高五尺用磚包砌完固長計

二百六十丈

國朝康熙六年總督盧興祖巡撫金光祖左布政李
迎春右布政王原撫按察使李月桂兵備道胡朝
賓平樂知府王延禎推官歐陽動生各捐俸令知
縣藍奮興修北門城樓一座敵樓二座九年霖雨
彌月城垣傾頽一十三處知府楊榮蔭知縣陳光
龍捐資修鳳凰樓後城垣一百一十五丈西北一
帶馬道九處六十餘丈十年修南門城樓五十三

年知縣黃大成修補頽垣數處五十七年知府慕國瑛捐造南北西三門城樓及修周圍城垣現今城高三丈周四百八十七丈垛口九百五十六案城北濱河地最下每值連雨溪漲衝蝕直逼市廛明萬厯間建龍頭磯堤以障之歲久漸傾尚須修築守土之責也

恭城縣舊土城在鳳凰山下唐武德八年建北倚山三面臨江西面尤逼江潯常有水患明成化間

知縣夏瑋申請知府楊冠改遷今所正德十六年
兵備張祐以歲久傾圯重修并建鼓樓於東門上
萬厯十年署縣通判朱應辰以城址逼近學宮與
弟子員各捐俸廩展拓數丈三十年知縣陳朝策
拓西城闢西門上蓋串樓未竟知縣陳豸續完之
國朝康熙四年知縣張泰階重修六年又修八年冬
九年春雪積雨霑東門城樓傾圯城垣共倒一百
四十二丈知縣曹林韻於九年秋重修高一丈二

尺廣二百七十丈垛口五百五十四向有三門南
曰迎薰東曰朝陽西曰文昌十三年經寇亂兵燹
西門遂塞今惟東南二門池深一丈

富川縣城明洪武二十九年都督韓觀請設守禦
千戶所始築土城百戶朱達千戶江誠王禮劉信
相繼成之

國朝康熙十一年知縣劉欽鄰修二十四年知縣譔
紹溶又修周六百三十四丈高一丈八尺濶八尺

垛口九百有九為門四東曰向日南曰迎薰西曰昇平北曰泰定門各有樓明末兵燹城樓盡燬今存三門西門閉塞城垣歷今年久現議估修

附

麥嶺城雍正八年創設廳營駐轄東西北三面環造營房一百五十間周一百八十丈南則補以牆垣長六十丈如城樣為四門有白鷺塘繞城西如池

賀縣舊為土城高二丈周七里為門四宋因舊址

砌以磚增築三尺為門三樓四元初毀諸城惟此
獨存明洪武二十九年設守禦千戶所軍民多疫
俗以甌山形勢衝逼西門所致千戶王奎用土石
閉塞因廢其樓止存東南二門角樓四窩鋪一十
七間嘉靖十一年副使道伍箕知縣王聰重修十
四年夏五月大水滄城隆慶四年知縣陳試修葺
仍開西門建樓一曰瑞雲尋閉現今城高二丈濶
八尺周五百七十八丈零四尺垛口一千零七十四

池深七尺濶七丈

荔浦縣舊在永蘇里荔江之浦知縣馬宥築土為城景泰中以舊城濱江背山每賊來窺伺率自高山而下屢為所破城高僅丈餘民不可守景泰七年知縣伍繪乃遷今城地勢最高俯臨城外砌以磚石覆以串樓為門二南曰迎薰北曰承恩嘉靖二年知縣雷燮重修五年居民失火城樓燎焚殆盡萬曆九年知縣呂文峰於城之東西增開二門

東曰長春西曰阜成各有譙樓後因賊亂防守無人遂塞東西二門

國朝康熙四十七年城垣崩壞知縣許之豫重修周圍城堞增高一尺沿城遍栽芙蓉楊柳現今城高一丈八尺濶九尺周圍二百四十八丈八尺堞口三百二十五池深九尺

修仁縣舊係土城明成化十九年總督朱英命官督砌以石關東西南三門樓三座周圍二百零九

丈高一丈八尺濶八尺女牆二百七十五窩鋪四間無濠

國朝康熙五年巡撫金光祖委知縣李子實重修雍正二年知縣傅峻捐資修葺五年署知縣黃錦璋捐建東城樓各三間

昭平縣舊城原在西岸明成化間總督朱英所築寇陷改為堡正德三年副使鄭岳遷堡城於東岸置守備萬厯四年復建於西岸下石上磚高一丈

七尺廣二百四十丈垛口二百零六為門三樓四
窩舖八間南臨府江東西北皆山石砂礫無池濠
八年城圯知縣方思賢修四十一年南樓壞知縣
蕭啟賢重修

永安州城明成化十三年總督朱英委副使范鏞
叅議謝綬督知州關魯建築周圍八百九十步高
一丈六尺厚六尺包以磚石垛口四百四十有九
四面無濠惟橫一溝東西各設鐵柵引水由溝入

城名為官河復從西出灌田設門三東曰宣化西
曰鎮遠南曰永定城樓角樓各四丈窩鋪一十二
間敵樓炮臺四

國朝順治十八年知州屠德隆修葺康熙五年知州
鄧林尹重修吳逆變亂悉行頽塌二十二年知州
丁亮工捐資重修

附
杜莫寨石砌城牆設有五門門上有樓寨中建
鐘鼓樓供玄帝西門內設有公署以供官長傳

駱顏曰且止堂知州丁亮工書南門內有井名甘
露泉公署後有宮巖東門外有城隍廟廣福廟又
有獅子山上建玄妙觀北門外有莫王靈感廟

梧州府

蒼梧縣附郭

府城在大雲山麓東北跨山西臨桂水南遶大江
宋開寶元年砌以磚周二里一百四十步高二丈
五尺皇祐四年寇毀至和二年展築周三里二百
三十七丈闢四門明洪武十二年復展八百六十

丈為門五有樓東曰正東西曰西江北曰大雲南
曰南薰西南曰德政覆以串樓一百九十六間濠
環城東西南三面北因山為險正統十年毀十一
年知府諸忠重修置刻漏於德政門樓上天順七
年大藤峽賊陷城八年知府袁衷重修成化二年
總督都御史韓雍增高一丈造串樓五百六十九
間遍覆之城下設窩鋪三十六間宿守夜軍士浚
濠深三丈濶一丈五尺濠內外皆樹木柵長三千

三百五十丈四年作東南北門甕城重建五門樓
鐘鼓樓正德初都御史陳金重修萬厯五年南門
樓鐘鼓樓串廊復毀知府李椽重建八年知府陸
萬垓重建德政門十三年知府林喬楠重修串樓
五百二十五間四十六年南門西門德政門大樓
復毀知府陳鑑石廷舉相繼重修添設西門甕城
天啟三年知縣梁子璠改為陽城每城樓環設窩
鋪八間崇禎八年湖南寇熾知府章金鉉加高城

雉

國初各門樓盡毀順治十五年蒼梧守道陳宏業知府祖澤濶重建五門城樓康熙六年知府黃龍修西南北牆各十數丈經變傾毀二十五年知府陳天植蒼梧縣知縣尹維旆重建五門城樓及北望樓

藤縣城在大江之南繡江之東二水合流上有平原創立城垣不知所始元至順三年知州文魁重

砌周三百三十丈高一丈二尺明洪武十一年改
州為縣城漸頽廢宣德間築土城東北樹柵天順
四年寇毀五年巡撫葉盛委推官呂景融知縣熊
善修築成化二年寇陷都御史韓雍委知縣謝鉉
用磚包砌周三百六十丈高二丈闊四門有樓東
通津西永安北拱辰南迎恩敵樓十八間串樓三
百七十五間西南以民塘為濠東以江為濠環植
木柵重以閘門隆慶五年署縣主簿卜一佩捐修

萬厯四十一年大水西門城樓壞城圯四十三年
知縣李廷幹修葺崇禎六年北門城樓毀九年知
縣梁昌重建易串樓為陽城磚砌雉堞規模壯麗
國朝康熙三十八年知縣宋旭修北門樓雍正元年
知縣李文炎修葺各處傾塌三年重建東西南三
門城樓今城高二丈濶七尺周三百六十丈垛口
三百六十

附

五屯千戶所城成化二年都御史韓雍始建嘉

靖八年總督王守仁增拓之周三百有十丈串樓二百九十間東門二南門北門各一皆有樓濠深一丈廣如之

容縣城在繡江上游唐容管經畧使韋丹所築內為子城周二里二百六十步外城周十三里濠深二丈廣五丈宋咸淳寇毀四年重修元至正十三年寇焚門樓明洪武三年容州同知王清因其故址修築闢三門東曰日新西曰永安南曰繡水十

年改州為縣二十二年設守禦千戶所以城西展築周四里一十八步改南門曰鎮遠北門曰拱辰西曰寧遠永安門在城中更為譙樓造串樓三百八十七間天順三年毀於流賊成化四年同知毛贊以城廣濶請減堆堞以便同守都御史韓雍從之截去東隅一角周五百三十丈高三丈蓋串樓一百三間七年又蓋串樓一百一十五間仍設門四改永安門為東門嘉靖十一年知縣蔡雨修葺

城垣開浚城濠萬厯八年知縣伍可受重修串樓
一百一十間塞北門三十八年圯知縣傅敏功撤
為陽城外城僅存遺址唯舊濠如故後皆湮塞今
城高二丈濶一丈周五百二十丈垛口一千零三
十向有四門今存三門東曰永安西曰寧遠南曰
鎮遠

岑溪縣舊城在今城西五里中鄉新城堡明洪武
三年知縣劉鎮築成化十年僉事黃麓副使范鏞

見城外無水形勢非建城地請於都御史韓雍發
公帑屬知縣黃鳳翱卜築於烏峽之陽負山臨溪
築磚城周一百六十丈高二丈開東北二門弘治
八年知縣余敦善改陽城為陰城架串樓一百七
十間塞東門闢南門正德十五年知縣石希介因
城褊小築土城於外周三百八十餘丈上覆以瓦
闢東西北三門嘉靖二十六年知縣趙禴以外城
東南二門隨水順出非宜因改建之隆慶三年知

縣李果又改還北門自是南北洞開重門歲久瓦
卸內外城門頽圯不堪捍衛萬厯二十四年猺寇
亂飭兵討之兵巡副使張文耀為監督駐節城中
見城隘陋難守白於總督陳大科巡撫戴耀按院
林道楠題請宏拓屬通判歐燭知縣曾莘典史王
一道董其事下瘞盤石為基上布鉅磚甃以石灰
闢東西南三門外加甕門門上有樓餘設六敵臺
臺上有樓各因險易以為崇卑城周二百六十丈

高一丈八尺天啟中知縣王用霖於城東南二門間闢東門建城樓崇禎間知縣馬斯才改舊尖垛盡為方垛增高一尺五寸明季四門城樓敵樓俱毀

國朝康熙二十五年知縣趙純禧捐修四門城樓現今城高一丈八尺濶八尺周如舊垛口三百七十向有四門今塞西北二門存東南二門東北附山無池西南沿小河為池

懷集縣舊城在今城東古縣營明洪武三十年設
守禦千戶所千戶何本始築土城高一丈二尺周
三百二十九丈立四門南曰定懷北曰保集東曰
永安西曰臨江成化四年都御史韓雍修治砌以
磚石高二丈二尺周三百三十九丈濠深三丈濶
稱之七年建四門譙樓弘治七年潦水浸頽知縣
區昌重修隆慶五年又頽萬厯九年知縣林春茂
令軍民合修三十五年南門樓塌知縣何維國葺

卷三十四
之四十四年大水衝圯城牆串樓知縣謝君惠合
軍民重修崇禎十一年知縣王國冕改修陽城築
城垛一千一十個十四年知縣李盤增修城垛城
樓四門外各建兵房六間又濬城濠令深

國朝順治十六年知縣許重華補修頽缺康熙四年
知縣鄒文郁重修四門城樓十三年知縣李雲龍
於城外築土壘木柵浚城濠四十三年知縣桂天
華塞保集門雍正二年大風雨四門傾塌知縣陳

延嵩捐修今城高二丈二尺周一百四十四丈一尺垛口如舊數池深三尺濶三丈

潯州府

桂平縣附郭

府城在思靈山東當左右二江之會舊城踞思靈山半崎嶇險阨宋嘉祐間始改建於平地立土垣嘉泰元年知州周禧知縣廖德明繼築元至元庚辰推官范堃撤而新之明洪武六年百戶吳勝復廣舊城周三百七十四丈十五年千戶陶成西展

百餘丈十九年知府沈忠復東展數百丈東西開濠立柵南北際江立門六南二曰迎恩寧遠北二曰宣武威東拱辰西安遠成化三年知府孫璋因砌以磚高二丈濶一丈二尺樓六座角樓懸樓共五座砲臺窩鋪共二十二改拱辰門曰潯陽今城高二丈濶一丈二尺周圍一千三百二十丈七尺垛口一千九百九十五

平南縣城明洪武初知縣齊遜始築土城闢通濟

一門景泰間寇燬天順間主簿閻鼎請發公帑始
築磚城周三百一十二丈高一丈四尺闢南北二
門立鼓樓串樓月城濬濠弘治七年巡撫委推官
戴綱知縣譚珪因舊築立羅城牆八尺濶四尺計
五百丈蓋以土茅今羅城頽圯磚城仍舊計垛口
三百零六城樓二南曰通濟北曰拱辰北門常塞
南面大江為池城北池深八尺濶二丈

貴縣城唐元和間刺史謝鵬始築宋紹熙間攝郡

事譚景先修之元至正間城池頽圯尙賊出掠十三年攝州事吏目侯文卿捐資修築設窩鋪二十四間為五門東西北門各一南門二面江為池明萬厯癸卯知縣谷大德捐修增高三尺

國朝康熙五十九年大水城壞自東門至西門頽塌無算知縣林兆惠捐修三十餘丈北門因明末兵燹閉塞未啟現今城高一丈五尺濶八尺周圍五百九十丈垛口一千二百二十五東西北三面無

池

武宣縣城明洪武三年始築土城三十年又展拓之成化間易砌以磚現今城高一丈八尺濶一丈周二百九十三丈垛口七百五十八東西南北四門池深二丈濶一丈五尺

南寧府

宣化縣附郭

府城宋皇祐間建築州守劉初夢神告以依蛇形乃可成翌日見一大烏蛇如龍狀盤繞於地遂依

其形築之周一千五十步高一丈九尺闢五門有樓曰東門曰迎恩曰鎮江曰倉西曰安塞明萬厯三十年知府薛藩增開南門並前共城樓六座崇禎九年知府吳紹志增高三尺

國朝雍正二年知府慕國璵知縣趙成章七年知府黑天池知縣黃其炳各捐修現今城高三丈一尺厚二丈五尺周一千五丈向有門七其烟花門久已閉塞今存六門曰東門曰南門曰倉西曰北門

曰安塞曰水閘埽口一千零九十六池深一丈五尺城垣濱江土薄經歲即多頽塌處九年方議修安塞門東為水漲所激傾圯左江道閻純璽知府張漢以築城必先固岸用原思城土州吏目施敏政規畫興修完固

橫州舊土城元至正丙戌州判倪思敬始築磚城明洪武二十二年指揮徐復擴大之周圍方十里一千二百一十步高二丈濶一丈二尺串樓二百

一十間南距大江東西北有濠深八尺濶一丈二尺長九百九十五丈城門六東涵春西肅清南鎮夷北清遠東北迎宣西南月江俱有樓窩舖三十間景泰二年分巡道蕭鑾指揮鄧敷增建登高嶺敵樓一座嘉靖三十一年府判韓紹易串樓砌磚垛三十八年西城圯知州高士楠修復四十一年知州陳垣指揮王嘉言詳請盡撤串樓增高雉堞計垛口三千零六十五

國朝康熙五十九年大水淹城崩塌數十處六十一
年知州劉斌捐修重建東門南門迎宣門城樓七
月大水城復圯知州劉斌吏目沈嘉徵重修葺今
肅清門塞

上思州舊土城在溪南明弘治十八年州同知曾
昂經始知州羅環襄其工徙置溪北正德十二年
知州黎磐遷學入城增拓數十丈嘉靖二十三年
知州周璞拓東南陬百丈增置四門甃以磚三十

三年知州詹世龍修議改磚城未竟署知州羅汝
涇三十五年知州李時芳相繼修建周圍五百三
十八丈高一丈三尺為敵樓五橫直各一丈二尺
四面濠環俱廣一丈深七尺西北二樓日久頽圯
牆垣亦多倒塌

國朝康熙三年知州朱士毅修復九年知州梅朗中
重修二十三年知州戴夢熊申勸各堡士民循舊
制廣袤用磚石修築煥然一新改四門額東曰迎

思南曰薰風西曰萬成北曰文象

新寧州舊土城明隆慶六年巡道霍與瑕委知州
鄧林材建築闢四門有樓東賓暘南和薰西含輝
北拱辰萬厯五年知州趙宗鳳用磚包砌高一丈
五尺濶一丈六尺周圍七百六十七丈垛高五尺
垛口一千四百一十八設警鋪一十七間十三年
知州張思中四角建烟樓四座以備瞭望又每城
門左右各建兵房二十間以居守禦兵丁

國朝雍正四年西半城倒塌二百餘丈知州徐德秩捐貲修建環城有濠

隆安縣明嘉靖七年都御史王守仁題准始置縣築城未竟十四年分巡道鄔閱委府判林鳳鳴知縣楊君池繼築甃以磚石高一丈四尺濶八尺周圍二百九十丈垛口五百四十七建四門有樓東曰隆興西曰望仙南曰觀泉北曰潮江今南門閉塞

國朝康熙九年知縣查繼甲修葺西門外有池塘二
口深六尺濶三丈八尺

永淳縣城明正統十四年知縣蕭棋始築土城成
化八年知縣曾鼎包砌以磚開濠環之嘉靖三年
知縣潘文明修築周圍四百二十丈高一丈五尺
濶八尺門四有樓東朝陽西永寧南迎恩北拱辰
三面環江惟西一門向陸舊有濠以當來脈處濬
不甚深後東南二門城樓圯

國朝康熙五十七年知縣凌森美重修雍正七年知縣朱肇基周圍補修今北門閉塞惟開東西南三

門

附

忠州土州舊立土垣高八尺周四百丈今多頽

塌無池

果化土州舊築土垣無池

歸德土州舊有土垣無池

遷隆峒舊有土垣無池 案土司例不設城並祇

土垣設門以司啟閉稽出入

太平府

崇善縣附郭

府城明洪武五年知府趙鑑委千戶程良督屯軍築高二丈一尺廣一丈二尺周六百二十四丈城門五東曰長春南曰鎮安西南曰安遠西曰鎮邊北曰拱辰各建樓於上永樂六年七月江水泛漲淹塌城垣四百餘丈千戶王宣府通判王俊文督令軍民及行各州縣助修易之以石正德十四年

知府鄧炳以門多難於防守塞安遠門隆慶五年
水泛復圯知府林廷顯補葺萬厯三年知府蔡迎
恩通行修砌其各流土與千戶所俱有應修定界
扁南樓曰南薰明末寇亂傾圯大半

國朝順治十六年知府遲煊推官唐敬一及知府馬
正午相繼修復康熙七年四月洪潦泛漲傾圯四
十四丈知府高不矜捐俸倡流土各屬修復南樓
一座知縣連起文捐修東樓一座知縣張京銓捐

修小西門樓一座日久傾圯五十八年知府王潯倡率流土各屬修復

左州城明正德十五年知州李欽承遷州治於古欖村即今州治築土城高一丈六尺周六百七十四丈立四門門皆用木架樓於上嘉靖中知州周墨修築城垣崇禎十一年知州李之清以不便防守捐建甕門四座設敵樓於上

國朝順治六年交趾高平莫酋攻城敵樓盡燬後乃

棄城南一帶改築土牆於內以便居守康熙四年知州王敬祖仍照舊基修復完固

養利州舊土城明弘治十四年知州羅爵建萬厯十一年知州葉朝榮始作石城十七年知州龐一夔以城內空曠改建北樓減舊十之三周三百七十九丈高一丈三尺垛口六百四十東西南北并小西門水閘門共六門敵樓五座城內有泉即石巖泉遇春夏湧流泛溢通江

國朝順治五年遭兵燹頽塌大半十八年知州傅天
寵修復康熙七年四月江水暴漲與城中泉水交
泛城垣廟宇官舍民房崩塌殆盡知州王乾德捐
修二十四年知州章泰重修時值霖雨隨修隨壞
迄無成功三十年知州汪溶日修建完固

永康州舊土城明萬厯三十年建崇禎十一年知
州李喬春以地連土蠻醜類不時竊發易甃以磚
城周三百餘丈高一丈五尺東西南北四門敵樓

四座

國朝康熙四十三年知州徐樹庸重修

寧明州新改流官舊築土垣周一百三十丈開東
西南北四門大半傾圮雍正十一年議另建

附

明江城即思明舊土府城明成化間土官黃道
建築土城周八百九十四丈高九尺厚六尺城門
六東曰東旭南曰鎮南西曰柔遠曰拱極西南曰
懷安北曰承恩城外濠隍環植以竹

太平土州舊建土垣周四百二十二丈高一丈東
西南北四門

安平土州舊立土垣周七十五丈有奇高一丈無
池

萬承土州舊建土垣周八十八丈三尺高七尺無池
茗盈土州舊築土垣周八十五丈高一丈二尺無
池

全茗土州舊築土垣無池

龍英土州舊建土垣周六十五丈高八尺無池

結安土州舊有土垣無池

佶倫土州舊立土垣無池

鎮遠土州舊建土垣無池

都結土州舊築土垣無池

思陵土州舊築土垣周二百一十八丈高五尺東

西南北四門

江州土州舊築土城後更甃以石周八百六十四

丈高七尺為門五東南北各一門西二門

下石西土州舊建土垣周二百一十八丈高五尺
東西南北四門

上下凍土州舊止官署周以土垣無池

憑祥土州舊有土垣無池

恩城土州舊築土垣無池

思州土州雍正十一年改治伯江哨土官先以事

革城未建

羅白土縣舊築土垣無池

羅陽土縣舊建土垣無池

下龍司今為流官通判治舊築土垣周八百五十丈高一丈二尺西北各一門東南各二門東西南距河北倚山無池

上龍土司與民雜居並無城垣

鎮安府

鎮安府土城建自宋時高一丈五尺濶三尺馬道

五尺周圍二百二十四丈有東南西三門門有樓
北面以山為城無門城外雨水夾流即以為池

歸順州舊州治在今州治南十里明弘治年間築
建周圍一里開四門無雉堞濠塹天啟七年被莫
夷攻破日久頽塌移計甲作州治築土為牆僅圍
衙署非同城制今改設流官現估興建

奉議州舊有土垣東面沿江被水衝塌康熙九年
州判刁玉於南西北三面依舊址築垣高五尺長

三百五十丈其東面豎立木柵四面有門樓皆茅蓋

附向武土州舊有土城宋皇祐間建築在州甲明萬厯四十五年被土田州侵劫殘破始遷州治於乃甲復築土城周圍一百五十丈高七尺無雉堞濠塹正北開一門有樓用茅蓋之

都康土州舊有土垣在把部村宋乾興間遭龍英向武侵踞州境始遷於隆滿村以避劫擄壘砌亂

石為城高八尺周圍二百一十三丈有東西南三
門門舊皆有樓今圯無濠塹有小溪曲流於南北
兩門

上映土州土城宋皇祐間土知州許公順築明崇
禎十二年土知州許桂芳修

國朝康熙六十年土知州許文運重修高一丈一尺
濶五尺周圍二百二十二丈五尺開南門一門垛
口無池深五尺濶七尺

小鎮安舊治在音岡明弘治間被莫夷攻占遂移治於麼窰甲以土為垣

下雷土州城宋皇祐中建舊係石砌內外二城內城周一百七丈外城周一百一十三丈高七尺內外南北各二門東門一東北一西則依山為障池無

湖潤寨原無城池

柳州府

馬平縣附郭

府城宋元祐間知柳州畢君卿始建築土城明洪武二年指揮蘇銓等拓之易以磚東西三里南北二里高二丈周圍七百四十八丈窩鋪三十五間為門五曰東門西門鎮南門靖南門北門城外水環如帶又有外羅城起西環北至南首尾皆際江長五百九十丈高一丈四尺明末圯

國朝康熙五年守道戴璣知府劉永清知縣閻興邦修內城歲久倒塌雍正三年總督孔毓珣捐俸委

官監督修築

雒容縣舊土城在洛清鄉明景泰間為賊攻陷成
化間僉事何漢宗改砌以石上覆串樓嘉靖二年
巡按御史汪淵重修萬厯三年遷今地砌以磚

國朝康熙五十三年知縣王符震雍正六年知縣馬
樸俱重修現今周圍二百九十四丈五尺高一丈
二尺垛口五百九十七向有東西南北四門後東
北二門塞雍正五年知縣馬樸以東為生氣所來

開東門其北門仍塞

羅城縣城明成化十七年府同知劉頴知縣艾俊
始砌石城在鳳凰山之陽高一丈二尺濶四尺餘
周圍三百六十丈正德七年知縣黃裳建東西南
三門并各建樓東覽輝西永安南迎薰因地多石
未鑿池嘉靖三十六年推官周賓興知縣徐鏗重
修明季兵燹傾頽

國朝康熙三年知縣于成龍重修城樓城東一面砌

石立磚堞餘三面方議修補會陞去任三十三年
知縣王永清重修

柳城縣城在龍江西明洪武二年縣丞陳祖政始
建成化間都御史韓雍委知府何楚英築磚城

國朝順治十四年知縣張冕康熙十年知縣翟廉三
十年知縣彭士櫟五十五年知縣周祖武雍正七
年知縣周之瑚俱各重修現今高一丈五尺濶一
丈二尺周圍三百五十丈二尺堞口八百二十為

門三南曰石城西曰西江北曰北鎮

融縣城建自唐時至宋安撫使譚壽昌廢舊城拓
東南北三面創外城周圍九里為門三曰通濟鎮
遠威武為樓三曰朝陽清遠雄邊元至正間寇陷
權本州同知劉士學重修之明初於城西拓廣二
十五丈復加營建周四百八十五丈環之以濠增
建城門曰廣潤

國朝康熙十九年知縣熊飛渭捐資重新西南二門

城樓窩鋪九間四十八年知縣吳從龍重修廣潤
門五十年知縣牛天宿募民修築後因霖雨雉堞
譙樓半就傾塌雍正八年知縣陸嘉謨詳請估修
今城高二丈五尺垛口六百七十周四百八十五
丈門有四大東小東南門西門池深一丈八尺濶
一丈二尺

懷遠縣明洪武十四年始建城於大容江口老堡
地嘉靖隆慶中猺賊陷城者再論者以縣城孤懸

賊巢非形勝制馭久安之所萬厯十九年知縣蘇朝陽始遷於今丹陽鎮地甃石奠基上砌以磚高一丈七尺周圍二百六十丈四門皆有樓東門曰觀雷樓曰就日南門曰丹陽樓曰薰風西門曰新良樓曰太白北門曰治定樓曰向宸南北築月城二座馬道上蓋瓦鋪八座銳臺四座皆有樓屋城外築土城六百丈開四門上蓋瞭望樓環城四面皆水不為池濠今城周三百三十九丈垛口五百

六十六

象州舊土城明洪武間始築開東西南北四門又
小南門尋塞成化十四年守禦都指揮楊觀於西
北門上各建樓一座嘉靖九年知州林益請於總
制林富發公帑撤舊串樓改砌磚石萬曆十三年
知州李維岳重開小南門改曰進賢建樓一座後
圯

國朝康熙六十年知州江莪重建迨後城垣城樓各

處崩壞知州陸廷光捐資重修今城高一丈八尺
濶一丈周圍五千九百五十丈垛口一千六百四
十五城門五東曰賓陽南曰鎮南西曰朝江北曰
象臺小南門曰進賢池濶二丈五尺深一丈

來賓縣城明洪武間始築永樂間縣丞孫仕安改
築磚城西南濱河東北依山為門四東曰東安西
曰西寧南曰鎮南北曰迎恩各建譙樓並串樓景
泰間廢於賊天順四年巡撫葉盛修復之萬厯六

年又修現今城高一丈八尺濶一丈五尺周圍五百一十丈垛口七百四十池深一丈五尺濶如之

慶遠府

宜山縣附郭

府城漢時築土城唐天寶元年刺史吳懷忠易以磚石周四百五十三步為門四是謂舊城明洪武二十九年開設慶遠衛拓東門外地築城以廣之是謂新城共周圍一千二百二十九丈因黃山谷居舊城小南門卒於南樓民不忍行塞之門共有

六東曰永安西曰永定舊南曰鎮安新曰武定舊
北曰拱辰新曰泰和弘治元年知府汪溥以北城
附江其險可恃獨東西南三關平曠受敵乃傭工
鑿濠深二丈濶一丈五尺延袤凡三十丈引官陂
水注之正德十四年祲災民多殍亡樓焚城圯衛
指揮王璿中修復丁亥賊覃明珂變亂後多傾圮
國朝甲寅兩遭滇黔逆變益復頽塌新城間無人
居康熙二十三年知府白啟明捐資修築二十五年

同協鎮江楊淮倡率文武各屬捐建西北兩門城樓西門月城塞二門仍四門窩鋪一十二間池深二丈濶四丈五尺

宜山縣舊有土城在江北岸宜山下後以渡江不便改附郭

附德勝鎮城在河池所內明永樂間建壘石為城高一丈二尺濶九尺周圍三百二十八丈開東西南北四門

河池州舊惟土垣明嘉靖五年知州周鉞遷州於
四一山增築土垣高一丈五尺濶七尺周圍三百
八十丈為門四曰迎恩定遠鎮遠歸仁後塞北門
建樓三座明季寇毀

國朝順治十七年知州李若璘勸里民修築高一丈
後遭逆亂傾塌康熙二十四年知州劉安國捐修
增高二尺并同在城叅將石鍾華中軍錢來鳳建
造城樓窩鋪甕城後多頽塌雍正四年知州陳舜

明捐資修築六年七年又加修葺四面皆山無城濠

天河縣城東南依山為固西北築土垣唐天寶元年刺史吳懷忠建有濠為門三
明正德十二年知縣尚汝弼補築土垣增高三尺掘濠增深一丈又增築外垣以護之
萬厯十九年知縣楊繼顯遷縣治於西鄉原築土城周圍墜木柵護城
明季荒頽國朝順治十五年仍照舊基暫墜木柵康熙二十四

年知縣黃潯捐資取石砌基築牆周三百六十丈
高六尺開四門後歷任修增

思恩縣治原立於環江洲未建城後因水漲為害
移歐家山築土牆屢被寇害

國朝順治中土賊攻劫遂遷治於譚村衙署民居悉
遭燬敗十五年復因歐家山舊址築土垣周二百
丈高一丈二尺康熙五年知縣翁世庸闢東西南
北四門其上有樓二十四年知縣鮑復相捐俸修

築七丈五尺建城樓一座窩鋪四間

東蘭州原係土州舊無城池

國朝雍正八年改土設流治東院地逼山麓城基難
建十年知州沈志榮詳議免築列造營房二百間
環文武署

荔波縣今改隸黔省土城明嘉靖中知縣尹東表
建於穹來里喇軫村萬厯丁未知縣劉邦徵續修
為西南北三門後圯

國朝順治十五年知縣王家正詳請遷於方村義嶺
去舊城五十里築土垣一百八十二丈高五尺厚
一尺五寸開西南北三門南北門建有草樓後經
孫逆變亂頽廢康熙二十年知縣劉荼捐貲重建
南北城樓後又傾圯雍正七年知縣沈志榮重修
附 那地土州舊築土垣環署周九十六丈無池
南丹土州舊止土垣環署無池

忻城土縣舊止土牆環署周四十五丈

國朝康熙二十一年土知縣莫宗詔修建石砌圍牆
高五尺濶一尺五寸周圍一百六十五丈開東西
北三門無池

永定土司舊止壘石環署為垣周二十丈高五尺
無池

永順正土司舊止官署環以土垣無池

永順副土司舊止官署無城池

思恩府

府城明以前在寨城山內距今城西南八十里四面倚山剝削如城缺處壘石砌補開四門門外濠塹今為舊城土司城明正統間知府岑瑛遷於喬利壘石為城距今城北四十里嘉靖六年新建伯王守仁遷建今所荒田驛四郊廣衍江山環拱高二丈二尺濶一丈一尺周圍三百一十二丈堞口六百八十六為門三東鳴鳳西悅化南思正城樓四座四隅角樓四座東西兩河至南門交合儼然

濠塹北倚山麓無濠池九土司立丈尺起止界石
遇有頽壞各依界修理

武緣縣城明洪武二十四年建嘉靖十二年知縣
馬汝頤修萬厯八年知縣黃約重修

國朝康熙三年知縣莊振徽重修周圍五百九十丈
高一丈二尺垛口一千一百九十四為門四東陽
和西麗澤南阜民北威武樓四座窩舖一十七間
周圍濠六百七十丈廣一丈深七尺

賓州城宋開寶中知州楊居政築後廢明洪武初
修築未幾復廢成化間巡撫張鵬令所官重修正
德八年副使陳錫重新之嘉靖十三年知州李伯
鴻萬厯十五年知州彭士遠各修一次現今磚城
高一丈五尺周圍五百一十七丈垛口九百七十
有五向有四門其文昌門因妨宮牆封塞西門明
末時塞

國朝康熙十二年攝州事張一祥重開州民便之其

池東南深一丈八尺西與北接山麓高阜池無

附安城鎮城在賓州城東七十里磚砌東西三里

南北二里餘開東西二門內駐安城鎮巡檢司一員分防千總一員戰守兵三十名

遷江縣舊城在今城北岸宋嘉定三年知州蔣來叟建後毀明洪武二十年復築城成兵士災癘牛馬渡河踐食二十三年依形家言遷於南岸即今城明季兵亂人民離散雉堞城樓悉皆圯毀

國朝康熙初年知縣高際運魏球李如華相繼修築
完固二十一年知縣曹雲鵬招徠居民漸復其舊
現今城高一丈周圍六百六十七丈三尺垛口一
千五百八十六向有五門後將小南門北門封閉
今存東西南三門東與北臨河南與西開池深一
丈五尺濶三丈

上林縣城明洪武三十一年立屯田千戶所始築
土垣僅容縣治倉庫天順元年鎮撫委官復築為

土城三百餘丈成化八年命都指揮岑瑛重修易
砌以磚外環以濠覆以串樓為二門東迎恩南廣
惠皆有樓後毀隆慶三年知縣羅嘉修復明末寇
毀

國朝康熙二十一年知縣毛渾修復

附 三里營城在上林縣城東北五十里磚砌廣袤
各三里開東西南三門內駐上林營守備一員千
總一員把總二員兵二百名

田州土州舊有土城明洪武五年土知府岑伯顏
建高五尺濶四尺周圍五百二十丈開東西南北
四門各有樓無雉堞濠塹成化間土知府岑鏞修
後因兵燹盡圯東西二面基址僅存

國朝康熙四十七年土知州岑應祺遷治於北一里
城池未修

百色城在田州西雍正八年移右江鎮總兵及思
恩同知駐轄現在創建城垣周圍六百零一丈為

門三上各有樓間設砲臺十二座垛口一千一百八十四

上林土縣舊有土城宋皇祐間建明末兵荒傾頽殆盡

國朝順治十八年遷縣治於那料村築土垣高六尺周圍二百零五丈東南二門無城樓雉堞垣外有濠廣四尺深三尺

白山土司舊有城池在喬利憑山壘石城一座周

圍六十丈五尺自明末疊遭兵燹城池頽廢移住隴兔村後因吳逆變亂復移博結村為司治官民雜居康熙五十五年始壘土為圍牆

興隆土司初卜築喬利惟石砌牆垣周圍七十丈高僅六尺牆北一門曰順義自明末兵燹衙門焚燬牆垣傾頽移入蘆何城頭漸何村為司治無城垣

那馬土司石城名曰周麗周圍七十丈高五尺南北

二門無雉堞城樓濠塹後倚砦崇高嶺前遶小川
明正統間思恩土官岑瑛建築

定羅土司舊有石城一座相傳岑瑛所築即名岑
瑛城周圍二百餘丈東西二門至今如故但城外
荒蕪無人居住移住朗城頭為司治與民雜居去
舊城二十里

舊城土司以山為城南北東西各徑一里壘石築
垣四山口開四門無城樓雉堞明永樂間土官岑

瑛所築東南關口石牆長二十丈高一丈二尺西
關口石牆長八十丈高一丈二尺西北關口石牆
長五丈高一丈三尺背深塹廣長各如牆勢

下旺土司石城明正統間思恩土官岑瑛築正南
依山為翰惟築東西北三面共一百五十丈高六
尺無垛子城樓開三門東曰古麗西曰律門北曰
紹興今西門封塞池無

安定土司原無城郭司治先卜築於舊洲因兵燹

廢頽已久今移地六村為司治誅茅結屋官民雜居

都陽土司以邕皂村為司治原無城惟土築牆周圍六十丈高五尺自明末兵燹傾頽今即其舊基官民雜居

古零土司自建置以來未築城池惟於紗帽山前建立司治敞其藩籬與民同居今移思恩通判駐壓

泗城府

泗城府原係土司

國朝雍正六年改土設流舊無城郭四面皆山城基
難立即山形勢為保障資其南北設上下兩關以
譏出入

西隆州為滇黔孔道改流以來未建城池雍正九
年知州李文炯詳議起造於州之扁牙

西林縣向無城垣

國朝康熙六年知縣王杰創築土城高九尺濶二尺五寸周圍二百八十五丈開四門各置樓無雉堞濠塹

直隸鬱林州

鬱林州城宋至道二年始築子城周二里八十步淳熙六年陸川寇變郡守黃齡築外城寇又攻毀七年郡守施埤重修子城蓋串樓三百二十七間敵樓四譙樓一又繕水城增築甕門元至正三年

州判買木丁復修子城明洪武十九年設守禦所
知州鄧文俊千戶費忠創築新城周六百四十丈
高一丈五尺蓋樓六百間闢四門曰近陽曰西鎮
曰永寧曰武安二十九年千戶姚壽始浚濠池天
順四年千戶施威修濬七年連被寇毀成化二年
都御史韓雍委官重修築欄馬牆立瞭望樓十鼓
樓一嘉靖四十一年知州李一德請發帑金一千
兩重修增高七尺砌四門月城加敵樓二十一間

萬曆十四年大水城垣多壞知州江龍請發帑金
四百兩重修

國朝康熙二十五年知州賈有福率同城文武官捐
修城樓窩鋪

博白縣唐武德五年始創土城宋淳熙六年寇毀
十一年重修元至正十三年以磚包砌周二百三
十丈高一丈八尺立東南二門明洪武五年寇毀
六年修築天順六年寇陷成化二年都御史韓雍

撤新之為門樓二百一十間濠廣二丈深三丈外
設欄馬垣正德元年知縣張璧光塞南門啟東門
曰平政門萬厯四年知縣林瑄擴城西南一百八
十丈復闢南門曰廣化敵樓三間串樓三百六十
間三十五年地震崩圯知縣譚岳重修四十四年
知縣陳上策又修

國朝康熙二年知縣史縉七年知縣王運昌相繼修
葺十八年知縣劉燦重修撤新南門更名興文門

四十九年知縣程鑣增埤城東北各一十五丈雍正二年知縣蕭烜光重修東南二門今城高一丈五尺濶九尺周三百六十二丈串樓三百六十窩舖七城門二樓二堆堞三百六十二池塹深廣

北流縣舊有土城久毀明景泰元年知縣林懋修城浚池立門天順四年寇毀成化三年都御史韓雍委縣丞孔舒修築七年以縣西舊學地高曠可城委梧州府照磨林堃遷築砌以磚為門三有城

樓串樓二百八十間城濠外置木柵築欄馬垣嘉靖四十一年賊踰城劫庫同知施宗誼增築三尺設敵樓五崇禎十年知縣趙當璣拆串樓為陽城十五年知縣張問士築西門甕城

國朝康熙三十五年知縣顏正色三十七年知縣涂遇俱經修葺今城高一丈八尺濶一丈二尺周四百三十九丈垛口三百四十池深五尺濶一丈

陸川縣明永樂間始築土城景泰三年重修關東

西南三門正統十四年都指揮葛宗陰修築成化
十一年都御史朱英發公帑委知縣莊槩拓之砌
以磚石建四樓闕二門曰長安曰拱辰蓋串樓三
百六十間弘治十八年知縣郎珍增修月城甃以
磚石又蓋串樓二十四間正德七年妖賊李通竄
縱火焚燬城樓十五年都御史蕭翀委知縣賀節
重修嘉靖四十年東北串樓城樓燬四十二年知
縣張子翼重修增建敵樓八隆慶四年知縣周文

盡除串樓為陽城創敵樓四窩鋪二十五座萬厯二年城東南傾圯知縣何子通復建串樓二百四十五間明末城垣城門雉堞俱圯

國朝順治十六年知縣周士選重修康熙四年知縣方鼎重整南北兩城門包以鐵五十七年知縣顧鵬重修今城高二丈一尺周圍二百六十丈垛口四百八十向有三門今封東門存南北二門池深一丈濶一丈四尺

興業縣舊樹木柵為城明洪武二年寇毀三年縣
丞鄔馬兒主簿顏真始築土城宣德五年知縣胡
綱增築設東北南三門正統十年知縣丁芹增雉
堞蓋串樓三百間天順三年知縣向珍築欄馬垣
浚濠塹立敵樓二十一間正德二年典史黃傑請
易土以磚增高三尺嘉靖六年知縣何炯去串樓
留南北二城門現今城高一丈五尺濶一丈一尺
周一百六十三丈五尺垛口三百二十七城門三

東曰文明南曰平政北曰拱辰池深一丈五尺濶
一丈二尺

廣西通志卷三十四

欽定四庫全書

廣西通志卷三十五

解署

廣西省

巡撫署舊在桂林府學左本巡按察院署址明洪武八年建成化間修

國朝康熙四年重修十一年巡撫馬雄鎮以府學地益其西偏十三年孫延齡叛燬於兵二十年巡撫

郝浴改建于府治東獨秀山之陽規模闔敞制度悉備

提督學政署舊在府治北嘉靖間移駐宣成書院後遷建於府治西南古榕前

國朝順治間改建於王府坪孫逆叛兵燬康熙二十年改建於西門內二十一年督學王如辰復遷於府治北

布政使司署在府治東明成化二十年左右布政使

何經重修後堂儀門大門各三楹正堂五楹穿廊
一楹東西六房諸科共十四間

國朝康熙二十一年布政使顏敏重修堂左經歷司
堂右照磨所儀門內東理問所大門內西司獄司
三十九年奉文裁理問照磨司獄三缺今理問照
磨二署俱已圯廢經歷遷外民宅照磨署改為土
地祠司獄署改為官廳後為廣盈庫庫大使署在
廣盈庫西偏

按察使司署在府治北明洪武間建正統六年按察使章聰重建成化二十年按察使孔鏞拓正堂五楹後堂三楹左右耳房六間東西六房各十四間儀門大門各三楹堂左經歷司堂右照磨所知事廳大門內西司獄司東架閣庫後燬

國朝康熙七年按察使楊駿重建三十九年奉文裁照磨知事二缺署亦廢其經歷司獄二署雍正三年按察司甘汝來捐貲重建架閣庫在儀門內大

堂東

驛傳鹽法道署在鼓樓西南臨桂縣署後街本明

副總兵署址

國朝順治間線伯第三子住宅後買建道行臺雍正
三年驛鹽道張若需移駐省署重修

貢院舊在府治西宋乾道中建明天順間徙於新

西門內

國朝順治十四年改建於獨秀山下明靖江王舊府

康熙五年改建於都指揮司舊署二十年署巡撫
麻勒吉

題請仍以王府改建

分巡道署在按察司東明成化間副使林符建後
改為城守守備署

都指揮使署舊在布政司左內設經歷司斷事司
司獄司今為撫標右營遊擊署

巡按署舊在府學左明洪武八年建後改為巡撫

署巡按移桂林道署景泰間巡按袁純遷建於寧遠門內成化五年巡按蘇慶移建於府治北今裁廢

清軍察院署久廢

總督部院行臺舊在桂林府署北成化初建今廢分守桂平道署在布政司東今廢

督糧道署在明靖江王府東今廢

布政清軍道署在清軍察院左今廢

總兵署在榕樹門右成化七年建都督總兵掛征蠻將軍印者居之今廢

桂林府

知府署舊在獨秀山下明初遷建於譙樓街北成化二十年知府羅珣復建前後堂東西六房分植桂樹於前墀而扁其後堂曰八桂以存舊名伍芳為記儀門內設經歷司照磨所司獄司興隆庫後圯

國朝康熙六年知府翁應兆重建雍正七年知府耿
鱗奇九年知府錢元昌相繼修葺

清軍同知署在城東北就日門雍正九年同知徐
德秩重修

督糧通判署在廣儲倉右雍正十年通判吳大猷
重修

督捕通判署在城北安定門雍正十年通判錢士
琦重修

教授署

訓導署俱在明倫堂後一層五間

國朝康熙二十年教授高熊徵建

經歷舊署久圯今在城內民房

司獄署在府署東

陰陽學舊在府治東今在府南

醫學舊在府治北今在府東依仁坊

僧綱司在萬壽寺

道紀司在五嶽觀

萬年倉在城東北定粵寺前計一百間

國朝康熙五十一年布政黃國材建

廣儲倉在城東南舊有三十九間

國朝康熙五十三年通判慕國瑛捐建五間共四十

四間

興隆庫在府堂東

城守營遊擊署在府治北鳳凰街即城守副將署

雍正八年裁副將改遊擊

守備署在按察司東即分巡道舊署

撫標左營兼中軍叅將署在榕樹樓街

守備署在癸水門內

撫標右營遊擊署在王府坪東街

守備署在武勝門內

演武廳一在南門外三里亭舊圯雍正九年巡撫
金鉅布政元展成署按察耿麟奇合議大閱之所

威嚴攸寄支公項建造廳舍前後兩層東西并建
文武官廳又造司蠶神廟大教場長一百五十丈
闊二十丈一在安定門內西教場長四十三丈闊
二十四丈一在東貢門外小教場長一百三十丈
闊一十七丈每科武試較閱所

火藥局在城東北疊綵山後

硝局在城東北定粵寺前雍正十一年巡撫金鉉
檄委中軍叅將楊欽建造并設礮電提煮硝觔

理刑通判署在府署右今裁

照磨所舊在儀門內康熙三十九年奉文裁缺署
廢

遞運所稅課司俱在府治北今裁廢

東廩倉在東江門內王府坪正統間置貯穀以賑
饑民名預備今廢

臨桂縣署舊在府治東南府學舊基後遷於府西
北隅明洪武初始遷今所本縣學舊址天順丁丑

知縣吳讓修正德辛未署縣事曾順重修前後有
廳有堂有庫左右六房門外申明旌善二亭臨街
牌坊一座題曰桂郡首邑左右立民安物阜二坊
後廢

國朝順治間知縣王朝宗重建康熙二十二年知縣
張遴重修

縣丞署在縣治左久圯今僦民房為署

教諭署在學宮右

訓導署在明倫堂後

典史署在縣治左舊倉改

蘆田市巡檢司在府東三十里久廢僦居民房

萬年倉在定興寺前計五十五間

國朝康熙五十一年布政使黃國材建

河泊所在文昌門外

省刑所在按察司右康熙二十四年按察使黃性

震建以處輕罪之貧無資者後改作法華庵

兩江口巡檢司在府西五十里今裁廢

湘山渡巡檢司在府南三十里今裁廢

東江驛在遞運所右後廢僦居民房雍正十年奉
裁

蘇橋驛在府西七十里今廢

南亭驛在府南四十里今廢

存留倉在縣治儀門左久廢

義倉在縣治西康熙二十四年知縣張遴建捐俸

積穀以備年荒久廢

靈川縣署宋紹定四年縣令鄭延年建明洪武間
知縣劉延重建大堂二堂儀門頭門內室書房各
三間成化十五年知縣沈溥修嘉靖三年知縣秦
有重建二十五年知縣張瀾培高署後地一丈有
奇三十二年寇刦毀堂左永豐庫三十三年知縣
李全建屏牆於大門前立保釐碑三十四年知縣
陳九思修後堂作過道

國朝順治十八年知縣王孫盛重修康熙五年燬知縣單世重建四十四年知縣李天榮撤譙樓培土建大門五十五年知縣樓儼重建大堂儀門六房教諭署在明倫堂側

訓導署在義學

典史署在縣治右

濟留倉在縣署西明萬厯二十四年知縣程述頤建五十間

國朝康熙五十四年知縣樓儼於東街義學旁添建
二十間

永豐庫一間在縣堂左明萬厯二十四年知縣程
述頤重建高樓鐵門繚以石垣

分防署原在城北雍正四年燬今在關帝廟後
演武廳教場在南門外地名三里亭

縣丞署在縣治內今裁廢

主簿署在縣治內今裁廢

千秋峽巡檢司在縣東北五里今裁

白石潭巡檢司在縣東南三十五里今裁

大龍驛在縣東今廢

察院行臺在東門內今廢

布政司分司署在縣署南今廢

按察司分司署在縣署左今廢

府館在南街今廢

興安縣署明洪武八年知縣曾孔傳建

國朝康熙五十五年知縣任天宿修雍正八年知縣王勛重修二堂及大堂捲棚

教諭署

訓導署俱久圯

國朝雍正八年知縣王勛改修舊學儀門為教諭署兩廡為訓導署

典史署在縣治左久圯今於節孝祠旁

陸峒巡檢司在縣西五十里

常平倉分貯倉共五十一間在縣署左右

國朝雍正八年知縣王勛修

庫一間在縣堂後雍正八年修

分防署在城內

演武廳教場在西門外半里

鹽沙巡檢司在縣西缺裁署廢

唐家鋪巡檢司在縣北缺裁署廢

白雲驛在萬橋北今裁署廢

察院署久廢

分守道署久廢

府館久廢

守備署久廢

陽朔縣署在都利山下唐寶曆元年攝縣李湜修
建防禦判官吳武陵記元至元二十七年達魯噶
齊明安巴哈改建縣治東向湖廣儒學提舉銘如
孫有記明洪武三年知縣韓政甫建大堂前建大

門後建住室正統元年知縣萬霽重修外建圍牆
內作川堂後堂前作儀門申明旌善二亭成化五
年知縣楊綱正德九年知縣陳純嘉靖二十年知
縣王時中萬厯間知縣陳天德王之臣俱重修

國朝康熙十二年知縣陳洪疇重建又建後樓五間
五十八年知縣顧濂六十年知縣胡式瑗改樓
為三堂雍正七年知縣李符恭重修三堂建書室
耳房改大堂側廢倉作吏舍十間於儀門內建土

地祠三間九年於大堂右建監獄五間

教諭署

國朝康熙三十年復設教諭寓居東廡四十三年教諭商驪於縣署前建齋舍一間五十七年教諭高輯增建講堂二間雍正三年教諭胡榮建後屋一座

訓導署原在戟門左明洪武十三年訓導龍騰建崇禎十三年知縣朱奉鑲重修久廢今居西廡

典史署在縣治左久廢

國朝雍正八年知縣李符恭捐貲重建

伏荔市巡檢司在縣南十里後移塔前

濟留倉舊無倉散囤於大堂及內署雍正七年知縣李符恭詳明於署後都利山麓捐建倉房二十八間

分防署舊在西門外獨秀山下明成化三年巡撫韓雍遷於城內東街

演武廳教場在北門外半里明成化三年巡撫韓
雍建

白竹寨巡檢司在縣西二十五里今廢

古祚驛在縣北今裁廢

按察司分司署在縣治西久廢

永寧州署明萬厯二年知州唐執中創建後堂正
堂各三間三年知州鄭應齡增繕廳舍亭祠賓館
俱備九年知州尹廷俊修三十年知州林裕陽重

修兵燹後盡圮

國朝康熙三年知州白意捐貲創復十年知州朱王
造重修大堂儀門大門起譙樓一座堂後為正室
右為書堂構亭鑿池四十二年知州馬世勳四十
八年知州朱焜相繼增修

學正署

訓導署俱在學宮側

吏目署在儀門內右

喇崗巡檢司在州城南一百二十里崇良里

國朝雍正七年添設

永豐倉三間在州堂右側明萬厯三年知州鄭應齡建九年知州尹廷俊改建於州署後共六間

國朝康熙十年知州朱王造重修建五間五十七年知州羅士奎增建五間俱改為常平倉

永盈庫一間在州堂左

國朝康熙十年知州朱王造修建

參將署在城隍廟右明萬厯七年參將于萬建十六年參將劉綖二十三年參將陳大器俱重修堂室宏敞大門外建坊二左曰雄鎮邊陲右曰威宣夷夏

國朝康熙間參將周世亨重修

守備署在州署西

國朝初設守備賈順購民地蓋宅康熙十年守備李進學擴前址增建四十二年守備李時新修

千總署在州署東本明古田所隆慶五年建萬厯十九年重修後裁今改

演武廳教場在州南半里明萬厯間副使吳善建二十六年知州龔作相重建

兵備道署在州署南明隆慶五年副使黃宸建萬厯二年副使莊國貞增建後堂四年副使吳善增建轅門大門儀門及內署二十二年副使凌嗣音重修明季毀廢

永福縣署在鳳凰山下宋狀元王世則故宅明洪武二年縣丞康孝良建永樂十二年知縣鄭曦天順六年知縣鄭勝嘉靖十五年知縣陳大韶萬厯四十八年知縣勞紹龍相繼修建明末燬

國朝順治十七年署縣事府通判王之才蓋大堂知縣黃朱勗建儀門大堂後堂左右耳房內室康熙十二年知縣李憐文修銘其堂曰撫字雍正七年知縣吳王坦建頭門一層五間

縣丞署在鹿寨村雍正十一年添設

教諭署

訓導署舊在明倫堂左右俱久圯就近學民居為署

典史署在儀門內久廢今遷外民房

濟留倉在縣堂左右計三十間

國朝康熙五十九年知縣陳元起建

分防署在理定南北鄉

演武廳久圯教場在西門外西江尾

察院行臺在西門內明弘治十三年建久廢其基址改建節孝祠

桐古市巡檢司在縣東三十里明末裁署廢

蘭麻鎮巡檢司明末裁署廢

三里驛在東門內元至正二年設明末裁久廢

蘭麻驛在縣西南四十里明末裁久廢

橫塘驛在縣西南六十里久裁廢

布政分司行署在西門外永福堡下明萬厯二十一年署縣全州同知譚寶翰建久廢

按察司行署在東門內儒學左明宣德九年知縣雷思昌建久廢

府館在縣署西久廢

參將行署在西門外分司署右明萬厯二十年建久廢

義寧縣署五代晉天福八年建宋淳祐中知縣曾

按修明宣德間知縣吳錡正德間知縣潘志高相繼重修明末圯

國朝順治間重建大堂後解吏舍有庫一間

教諭署

訓導署俱在學宮側雍正七年知縣許建捐造各一層三間

典史署在儀門內左

桑江口巡檢司距縣四十里桑江口

濟留倉在縣署大門內西計一十九間

分防署在城內西南隅久圯今僦居民房

演武廳教場在城東一里今圯

分司署在南門外今廢

府館在東門外今廢

全州署係清湘縣舊基元至元間總管石亨祖建
明洪武初知府章復正統間知州周健相繼重修
後圯

國朝康熙元年知州馮源泗重建五十四年知州劉藩長修雍正十年知州王勅重修

學正署在州治左康熙三十年學正李先馨修建訓導原無署居文昌祠

州同署久廢今移駐西延

州判署

國朝雍正七年添設

吏目署在城北街

國朝康熙二十五年吏目王纘捐建

山角巡檢司在州北五十里黃沙河

山棗巡檢司在州南六十里咸水

西延巡檢司在州西一百六十里鐘樓底

國朝雍正七年裁缺改作州同署

驛館在州署儀門右

國朝康熙五十四年知州劉藩長修

咸水驛館

國朝雍正七年署州事劉廷錫修

長盈倉在州治後明洪武二年建十五年改為預
備倉後毀

國朝康熙二十六年知州崔廷瑜二十八年知州黃
志璋重建在儀門內左五十二年五十八年九年
雍正三年四年七年於署左右前後建倉計一百
零九間八年署州事劉廷錫捐建十間在署左

庫四間

國朝康熙五十四年知州劉藩長修

參將署在西街

國朝順治十三年總兵官馬月正修建

守備署在東街

國朝康熙六十年守備焦金斗始建

演武廳教場在城北離城二里

部院行臺在湘山寺殿西

東察院在旌善亭東今廢

西察院在陰陽學西今廢

布政司分司在玄妙觀左今廢

按察司分司在州治東今廢

府館在州治左今廢

灌陽縣署隋建宋淳祐辛亥縣令張從龍重修趙
嘉慶記元至正十三年達魯噶齊巴雅爾氏玳珠
重建縣廳十五年春建譙樓明洪武元年知縣王
友裕復修二十六年寇毀宣德八年知縣王偉重

建

國朝康熙八年知縣單父牧重修

教諭署在明倫堂後久廢今在明倫堂

訓導署在明倫堂左久廢今居義學

典史署在儀門內正堂西康熙五年典史楊茂芳

重建

吉寧巡檢司舊在縣西九十里明正德十六年遷

上薛寨

預備倉在縣堂東十三間

國朝康熙三十年知縣周天位建三十二年知縣牛兆捷修又常平倉二間四十六年知縣單此藩建積穀倉二十二間五十七年知縣趙成章建

庫三間在縣堂右

分防署在縣署西久燬今僦居朝元觀

演武廳教場在西門外一里

分司署在縣學左

昭義驛館在北門外六十里花石岡久廢

永泰驛館在東門外七十里大營村久廢

府館在縣治西今廢

平樂府

府署在南門內唐樂州故址明洪武初通判夏天
啓建萬厯中知府周祈重建正堂川堂後堂陳啟
孫增修內署堂室堂東西庫廊明末圯燬過半

國朝順治十七年知府王延禔重修康熙八年知府

楊榮蔭建大門儀門六房寅賓館土地祠十一年
知府鄭長青建後堂四十二年知府戴錦增建內
署堂樓花廳四十九年知府柯鄧枚五十七年知
府慕國瑛相繼增修雍正三年知府胡醇仁修大
堂匾曰清畏

捕盜同知署雍正八年新設見富川

通判署在府堂東

教授署在府學明倫堂後

訓導署在東街即府照磨署改

經歷司舊在府堂東今在平樂縣治左東街

司獄司在土地祠右

永豐倉在府學東鳳凰山麓雍正元年知府慕國
璵三年知府胡醇仁各捐建八年知府袁承紂又
修建四間

慶豐倉在鳳凰山麓永豐倉前八間倉後四間係
通判收貯秋糧

庫在府堂東又永濟庫在府堂西

平樂協副將署在西門內

國朝順治間修建康熙十年副將楊應勝重修

左營守備署在協鎮照牆南

右營守備署在北門內街東

演武廳在北門外仙宮嶺下小教場長四十八丈
濶二十四丈五尺又大教場在東門外離城五里
長八十三丈濶三十三丈五尺

火藥局在鳳凰山東雍正十年建

督學行署在北街鳳凰山麓即舊平樂縣署

察院行署在府治左東街明天啟二年重建

國朝康熙十年知縣陳光龍修為督學行署今為平

樂縣署

布政司分司在城隍廟西明正德七年知府官景

重建今廢

按察司分司在府治東明弘治十七年知府謝瑚

重建今廢

兵備道在布政分司西今廢

清軍同知署在府堂東今廢

撫夷同知署在府堂東今廢

理刑推官署在府堂西久裁廢

照磨所在府堂西裁廢

稅課司在西門外今廢

慶豐倉倉大使署在鳳凰山麓今廢

遞運所署久廢

叅將署在北門外七賢祠左明末燬廢

平樂縣署舊在城西門內今協鎮營右唐武德八年建宋嘉定十三年知縣楊汝濟重建明永樂間知縣陳應文正統間知縣張昊先後修建正德間知縣何綸李京嘉靖間知縣黃玠萬厯間知縣王泌天啟四年知縣鄭圭增修明季兵燬基址廢為營房

國朝康熙六年知縣藍奮興遷於北街鳳凰山麓府
江兵備道舊址九年知縣陳光龍增修後燬於兵
遷東街歐孝廉舊宅二十八年知縣張睿臨始遷
今治在東街府治左以舊察院行署改建五十四
年知縣黃大成重修

教諭署在南門內東街

訓導署在學宮內

典史署在縣治東府經歷司南

常平倉八間在縣署左東街

國朝康熙二十九年知縣張睿臨即歐孝廉舊宅改建三十六年知縣孫成己增修

還源倉在常平倉右

國朝雍正五年知縣高濂修建四間六年知縣陳肇奎修建八間九年知縣李曹源增建二間

永饒庫明正統間知縣張昊建在西門內

國朝康熙九年知縣陳光龍遷於鳳凰山麓俱久廢

今在縣堂左

昭潭驛驛丞在西門外今廢

廣運驛驛丞在廣運塘久廢

榕津寨巡檢司在廣運城內今廢

龍平寨巡檢司在東鄉久廢

社倉共四所今廢

恭城縣舊署在鳳凰山下明洪武二年縣丞周憲
臣徙建於南門內永樂中知縣蕭嘉祐重修成化

十三年知縣夏瑋始遷於黃牛岡之原萬厯二十一年知縣任思四十二年知縣譚虬天啟七年知縣張汝醇重修後圮

國朝康熙二十年知縣揭宗本重建於舊署右數十武大門南向去城垣僅二丈餘四十四年大堂復圮知縣張載齡重建五十七年知縣王沂重修教諭署在縣署東明萬厯五年教諭齊志道建訓導署在縣署東明萬厯三年訓導劉汝寬建

國朝雍正八年訓導陳讓修

典史署在縣署東明成化十三年典史林芝建

鎮峽寨巡檢司在城北六十里明萬厯五年巡檢

周時舉建

濟留倉在縣治東原建一十三間

國朝康熙二十九年知縣鄔佩珩重建十一間雍正

八年知縣李澂捐造三間

分防署在龍虎關汛

演武廳教場在東門外半里

白面寨巡檢司西嶺寨巡檢司俱久廢

分司署在南門內今廢

府館在縣治北今廢

富川縣署舊在鐘山下明洪武二十九年知縣張

純遷建城西偏繼署縣事通判劉漢卿增建廳閣

萬曆三十八年知縣張文耀增修大門譙樓迎賓

館吏廨

國朝康熙二十四年知縣湛紹溶倡率公修

教諭署在明倫堂左

國朝康熙四十二年知縣周祚顯教諭璩鴻達捐修

訓導署在忠義祠旁

典史署在縣治大門內

國朝順治十三年典史管芝美建

白霞寨巡檢司在奉政鄉

萬石倉在南門內係舊驛館

國朝康熙十年知縣劉欽鄰改建後又增葺四間

東倉西倉俱在縣儀門內外

國朝康熙二十年東建一間三十二年西建三間五十八年雍正四年七年陸續增建十一間

庫在堂左

分防署在儒學東

教場演武廳在城南一里有旗臺有甬道

國朝康熙十年知縣張鵬翼修建一在北門外今廢

麥嶺同知署在縣東北六十里

國朝雍正八年添設平樂府捕盜同知駐麥嶺十年署同知事桂糧廳吳大猷建

麥嶺營都司署在同知署西

國朝雍正八年添設十年署同知吳大猷建

麥嶺千總署在都司署西

分防牛巖把總署去麥嶺南五十里

分防小水把總署去麥嶺西南五十五里

寨下市巡檢司在鍾山鎮今廢

分司署在縣治南明正德八年兵備道張宏宜建
今廢

賀縣署本賀州治在東城內明洪武元年知州姚
晉建後改縣十年知縣葛禮重修嘉靖二十三年
知縣葉中梅隆慶間知縣陳試相繼增修明季盡
燬縣官到任棲止無所里民斂貲構買民房葺茅
籬竹僅蔽風雨

國朝康熙九年知縣何標重修易以磚瓦五十七年
知縣韓牧吉捐建大門儀門

教諭署舊在東門內明嘉靖二十三年教諭李文
貴改建南門內學宮旁年久傾圮

國朝康熙九年教諭劉懋沛修建

訓導署久圯賃居民房

典史署舊在倉前後燬今在縣旁公館

信都巡檢司在封陽墟石寨北離縣城一百四十

里後圮

國朝康熙四十四年巡檢楊洪道捐貲修復

濟留倉舊在西門內明季燬

國朝康熙九年知縣何標遷建署內三十二年知縣
崔鴻儀修補雍正六年知縣徐大材又建七間七
年署知縣劉廷錫又建四間共一十四間

庫舊名湧泉在縣堂右明季燬

國朝康熙九年知縣何標遷改衙署建於堂左五十

七年知縣韓牧吉修

富賀營守備署在城南門內明崇禎間建

國朝順治十四年守備蕭起鳳重建

教場演武廳二座今存一座在北門外

按察司分司今廢

府館在城隍廟前今廢

大寧寨巡檢司在桂嶺鄉久廢

沙田寨巡檢司在姜城鄉後遷於點燈寨久廢

廂鄉義倉久燬

荔浦縣舊署在今縣治城南濱江明洪武元年知縣馬宥建景泰七年知縣伍繪改遷今治萬厯十年知縣呂文峰增修額其堂曰思過

國朝康熙四年知縣錢周鼎重修

教諭署舊在縣西年久傾塌雍正六年教諭何宣猷捐貲遷建於學宮右

訓導署在舊明倫堂地今圯僦居民房

典史舊署在縣治西後圯

國朝康熙二十八年知縣林鉉捐買縣治東民房創
建衙舍又圯三十三年典史沈世定捐建

永豐倉常平倉俱在縣署東共二十四間

庫一間在縣署內西側

分防署康熙四年知縣錢周鼎拓城南儒學舊址
建五十八年紳民公捐遷建於南門外關帝廟側
演武廳在東一里長生嶺教場長四十六丈闊二

十三丈

分司署在縣治西今改為明倫堂

南源寨巡檢司在縣北六十里後改設於南頭寨
後廢為南源堡

延賓峰門巡檢司在縣東三十里後改設於下龍
民寨久廢

府館在縣東今廢

修仁縣署明洪武初建後圯

國朝康熙五年知縣李子實重建十八年署縣事周清重修

教諭署

訓導署俱在明倫堂左

典史舊署在縣堂西久圯雍正四年典史汪奕上捐貲買地移建於城內西南隅

永豐倉米倉一間在南城門內

常平倉在縣治前向係草蓋時被火災雍正五年

知縣王琬詳請蓋瓦建一十二間七年八年知縣
金澤茂續於縣署內東西增建一十二間南城內
添建一十三間

崇義庫在縣堂右

分防署在墟頭專汛在石牆去縣西三十里

演武廳在北門外教場長三十丈寬十丈

分司署在南門內今改為常平倉

公館在青山坪距縣十五里

昭平縣署舊在南門內大街明萬厯四年建知縣
冷茂松重修

國朝康熙元年知縣陳定國擇故紳王大振宅蓋以
左側民舍遷建今治其舊署改為學宮

教諭署

訓導署俱在學宮內

典史署在縣治內西

永豐倉在縣堂東原建十五間康熙二十九年知

縣楊燮雍正三年知縣錢兆澧五年知縣唐其有
修建七年署知縣史凌增建二間

庫一間在大堂左側

分防署在東門內

演武廳教場在北門外

龍門驛在西門內雍正四年裁

昭潭驛在縣西久廢

昭平驛在城外南關今廢

廣運驛久廢

昭平寨巡檢司在城內久廢

分司署在縣治內今廢

北陀城叅將署今廢

昭平堡守備署今廢

永安州署在城北明洪武間為古眉巡檢司成化
十三年復州治知州閉魯始建知州彭栗繼之明
季兵燹圯燬

國朝順治十二年知州陳昇遷於城內東舊分司署
康熙四年知州鄧林尹復遷建於舊址中建大堂
堂東西解廡內為署室後起別墅亭池十三年遭
偽逆兵燬十八年知州丁亮工修復堂西增建外
書室內署廳額曰退思

學正署在州治西

國朝順治十二年建雍正十年知州陸埰重修

訓導署

國朝康熙四十五年添設興學正同署

吏目署在儀門內東康熙十八年知州丁亮工修
建雍正十二年吏目李澳重修大堂

常平社倉四間在州治前東康熙十八年知州丁
亮工建三十年知州沈增添建六間又州署外西
增建五間雍正六年知州閔家權於二堂西偏奉
建五間

永阜庫在大堂西知州丁亮工建

分防署在東門內

演武廳小教場在北門外一里大教場在東門外

一里

分司署在州治東

國朝初改為州署康熙十八年知州丁亮工新建分
司公館顏曰皇華公署

梧州府

府署在德政門內明洪武十年知府潘大郁建成

化元年知府袁衷重修萬厯五年燬七年知府陸萬垓重建十三年知府林喬楠移建捕廳糧廳於西四十六年復燬知府陳鑑復建明季兵燹廳署俱圯僅存府堂

國朝順治十四年知府張繼曾修康熙二年知府黃龍重修建大堂川堂儀門及後衙十年知府楊彥溶增建花廳小樓二十三年知府彭騰翽重修二堂二十六年蒼梧知縣尹惟旆重修大堂捲蓬及

六房三十三年蒼梧知縣張文達修川堂儀門三十七年蒼梧知縣劉以貴重修六房四十二年知府李世仁修儀門雍正八年知府吳士鯤重修

清軍同知署在府堂東久圯舊址為營官占造順治十七年同知張璠捐貲買復重建衙署康熙六年同知楊蔭第重修十三年經逆變傾圯二十四年同知何顯祖修雍正十二年重修大堂頭儀門通判署舊在府堂東後圯康熙六年理刑廳裁通

判劉祚遷建署址十七年通判徐應龍修雍正十一年重修

教授署

訓導署俱在東門外

經歷司在府正堂東

司獄司在儀門內西久圯今在大門西隅

捐納倉三十間在城內茶山西康熙五十四年知

府李世孝建

社倉三間在捐納倉前雍正三年知府徐嘉賓建
預備倉在社倉前雍正十年驛鹽道耿鱗奇詳請
將餘鹽價銀東省預買鹽包運梧貯備委員建造
庫三間在二堂西

梧州協副將署在西門內

都司署在塘基街康熙四十年改建清軍廳之東
守備署在城外西

演武廳教場在城外西南雍正七年副將張榮修

火藥局在城北雍正十一年建

提督學政行署在城北門內康熙四十六年建

分守桂平梧道行署在城內西舊為分巡道署

國朝康熙三年裁巡道改為分守道署十二年守道

秦仁管拓後衙重建大門儀門屏牆二十三年守

道興永朝雍正元年守道張若需重修

舊總督府在城內東北明成化六年都御史韓雍

建

國朝順治十三年以通省錢糧重修建康熙十三年
逆亂拆燬

舊總兵府在舊總督府西明成化六年建

國朝順治八年總鎮馬雄駐節於此康熙十二年分
守道秦仁管割儀門外地拓廣道署後衙因悉毀
廢

舊總府在城中土阜上總督府東南明成化六年
都御史韓雍建為三府會同節制號令公所全廢

察院行署在城內東南本總鎮舊署嘉靖十八年改為嶺表書院三十一年改為察院行署

國朝順治十四年分守道陳宏業知府張繼曾重修今圯

分守蒼梧道署在南薰門內明萬厯三十九年水圯遷於總兵府監稅公署今圯

督捕廳署久圯後為經歷照磨衙署康熙十六年巡撫將軍傅宏烈進勦吳逆即其後署建倉屯糧

現存

理刑廳署久圯遺址為營兵占造

國朝順治十四年推官閻孜詳復建置十七年推官
鮑鳳翔增修康熙六年裁改

照磨所在府正堂西久圯

稅課司在館驛前西南江邊今裁

遞運所在驛前東南江邊後裁革改鹽課提舉司
今俱廢

盤鹽舊廠在館驛東明成化六年總督韓雍建

廣備倉舊在總府東今廢

蒼梧縣署在府城西門內明洪武七年知縣朱守仁建天啓元年知縣區龍正重建兵燬後為營兵分占其地

國朝順治十三年知縣朱庭燎詳復十五年知縣雷琰始建門堂廳室康熙三年知縣黃道宏修十一年知縣張若械增修後衙建兩廊樓六房二十年

兩廊燬五十四年知縣阮三錫重修

教諭署

訓導署俱在東門內

典史署在大堂西順治十六年典史沈居泰建復
長行巡檢司在城南一百里長行鄉上一堡月峒
河口

東安巡檢司在城東一百四十里東安鄉中堡

安平巡檢司在城西八十里安平鄉

羅粒巡檢司在城西南八十里須羅鄉

常平倉舊在縣署南被水淹沒康熙三十七年知縣劉以貴改移縣署後另造板木倉十三間五十六年知縣劉國臣添造板木倉十八間

庫一間在二堂側

縣丞署在縣堂左久廢

主簿署在縣署東久裁廢

預備倉在正東門內久廢

藤縣署舊藤州治唐時建明洪武七年知州趙文
重建景泰二年知縣唐禮成化十年知縣方俊弘
治十三年知縣廖佐相繼重修後毀

國朝康熙十一年知縣蒲珩重修四十八年知縣張
純修大門儀門東西廊五十六年知縣陳士修捐
修大堂川堂雍正二年知縣李文炎修兩廊

教諭署

訓導署舊在學宮內俱久圯僦民居為署

典史署在縣堂右久圯僦居民房

白石巡檢司在縣西六十里

賓家巡檢司在縣南一百二十里

廣儲倉在縣署西

國朝康熙五十五年知縣陳士修建三十二間

庫一間在縣堂西

國朝康熙四十八年知縣張純修建

分防署在迎恩門內

演武廳教場在迎恩門外左

赤水巡檢司在縣東南今廢

河泊所久裁

按察司分司署在縣署東今廢

府館在縣署東今廢

容縣署本元容州路總管府故址明洪武三年同
知王清建十年改州為縣成化三年都御史韓雍
遷建弘治六年知縣車轟烈重修

國朝康熙四十八年知縣施鳳儀五十八年知縣劉
杞俱增建

教諭署在縣南學宮門內東明萬厯四十八年知
縣區龍正修建

訓導署在學宮右明萬厯四十八年知縣區龍正
修建

典史署在縣堂東

國朝康熙四十二年典史李紹英建

大洞巡檢司在城東南七十里大橫村明洪武間
建久經寇燬僦居民房

粉壁寨巡檢司在城南一百里大營村明洪武三
年建久圯里民重修

永豐倉在縣治東計二十七間明萬曆四十八年
知縣區龍正建

國朝康熙四十二年知縣徐發五十七年知縣張嘉
碩雍正五年知縣王澈霞俱修建

分防署在縣署右

演武廳教場在寧遠門外一里牛皮塘

按察司分司署在縣治西今廢

府館在縣治西今廢

庫樓一座在縣堂嘉靖四十二年建今圯

岑溪縣署舊在城內西明洪武十三年知縣劉鎮
建成化十六年知縣黃鳳翔始建今治弘治八年
知縣余敦善重修嘉靖四十五年知縣揭啟改建

燕廳萬厯二十七年知縣曾莘重修關串堂明季
兵燬

國朝順治間復建康熙九年知縣劉昌言修十年署
縣事通判謝繼賢修儀門十八年知縣楊作霖修
兩廊

教諭署

訓導署俱在明倫堂後

典史署在縣堂東今捐置民房在縣治右

平河巡檢司在連城鄉汶水墟離城八十里

常平倉在縣署東南計三十四間

分防署在縣治右民房

按察司分司署在縣署東今廢

義平巡檢司今裁署廢

濟留倉在串堂後今廢

預備倉在縣署西今廢

庫一間在縣堂右今廢

懷集縣署在南城內元至正六年燬於蠻賊明洪武三年知縣楊定省建正統二年知縣李濬成化四年知縣陸德修弘治八年知縣區昌修建樓署鎮接山勢曰聳雲隆慶六年知縣雲上行重修改曰倚雲崇禎十四年知縣李盤構軒樓西值旱步禱得雨顏曰隨雨

國朝康熙四年知縣鄒文郁四十七年署縣事同知姚士琳修四十八年知縣岳康重修堂署於樓軒

舊址各建書屋雍正二年知縣陳廷嵩重修十年
知縣江源捐貲改建

教諭署在學宮東南明弘治中知縣區昌建

國朝順治十四年教諭鄭開曙康熙十八年教諭唐
忠弼四十六年教諭劉如晏俱重修

訓導署在學宮西南明弘治中知縣區昌建

國朝順治十四年裁康熙二十二年復設訓導歐陽
燧修四十六年訓導甘霖濟重修

典史署在縣治儀門內東今廢買居民房

武城巡檢司在縣東三十里武城鄉明洪武三年
設萬厯中重修久廢今移駐連會堡離城三十里
慈樂巡檢司在縣西明萬厯十三年移設金鵝後
仍改回今移梁村堡離城五十里

預備倉在儀門內西明成化十六年知縣馮鍾建
四間萬厯十一年知縣林春茂建二間四十七年
知縣謝君惠修倉廳三間東西廡四間又建一間

國朝雍正五年署縣事劉信嘉修建五間六年署縣
陳璠建一間七年知縣江源修建六間

社倉

國朝雍正二年知縣陳廷嵩於各鄉堡各蓋社倉一
間共建十三間

庫樓一所在縣堂東明嘉靖四十年署縣通判李
鵬舉建萬厯四十五年知縣謝君惠修崇禎六年
被徭寇燬十四年知縣李盤重建

國朝康熙十四年知縣臧振榮修葺久圯雍正七年
知縣江源重修

分防署久圯

國朝康熙四十五年知縣桂天華奉議請以分司公
館改為防守署

演武廳教場在北門外

分司署在縣署東今改為防守署

蘭崗巡檢司在縣北七十里蘭崗山口久廢

濟留倉在縣堂東今廢



廣西通志卷三十五